

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
KANTONALNO TUŽILAŠTVO-TUŽITELJSTVO  
ZENIČKO-DOBOJSKOG KANTON  
Broj: T04 0 KT 0062253 25  
Zenica 01.04.2025. godine

**OPĆINSKOM SUDU U ZENICI**  
-Sudiji za prethodno saslušanje-  
**ZENICA**

Na osnovu člana 45. stav 2. tačke i), člana 241. stav 1. ZKP-a FBiH, podižem

**OPTUŽNICU**

**Protiv:**

**I. S.**, osuđivan više puta presudama Općinskog suda u Zenici i Kantonalnog suda u Zenici, i iste presude brisane sve koje su navedene u izvodu iz kaznene evidencije pa se ima isti smatrati neosuđivanim, branilac po službenoj dužnosti A. B., advokat iz Zenice, po Rješenju Općinskog suda u Zenici, broj: ... od 25.01.2025. godine, **nalazi se u pritvoru po rješenju Općinskog suda u Zenici, broj: ... od 20.02.2025. godine koji pritvor može trajati do 20.04.2025. godine do 14:19 sati;**

što je,

1. dana 23.01.2025. godine, oko 18,30 sati, na području grada Zenica, suprotno odredbama člana 4. stav 1 i 5. u vezi sa članom 19 i 20. Zakona o sprečavanju i suzbijanju zloupotrebe opojnih droga Bosne i Hercegovine, iako je bio svjestan da je prodaja opojne droge zabranjena zakonom, to je i htio, pa je radi prodaje neovlašteno držao opojnu drogu i to: 27 paketića pvc kesica sa bijelom praškastom materijom, ukupne bruto težine **1.471,113 grama**, jednu pvc kesu u kojoj se nalazi bijela praškasta materija bruto težine **572,014 grama**, dvanaest pvc pakovanja sa bijelom praškastom materijom ukupne bruto težine **271,087 grama**, tragovi bijele materije pronađeni u dva komada pvc vrećice oblijepjene srebreno-sivom ljepljivom trakom, na dvije pvc vakum vrećice, na pvc ambalaži, na smeđoj staklenoj boci i na električnoj mašini za vakum pakiranje, za koju je vještačenjem utvrđeno da sadrži psihoaktivnu komponentu amfetamin, poznatiju kao opojna droga „Speed“, koja droga je pod rednim brojem 1 „Liste psihotropnih tvari“ iz tabele II/2 „Tvari i biljke pod strogom kontrolom“ proglašena takvom, zatim tri pvc pakovanja oznake „...“ smeđe tvrde materije ukupne mase **310,676 grama**, za koju je vještačenjem utvrđeno da sadrži psihotropnu supstancu tetrahidrokanabinol (THC), odnosno predstavlja opojnu drogu „Cannabis - Hašiš“, poznatiju kao opojna droga „marihuana“, koja droga je pod rednim brojem 13 „Liste opojnih droga“ iz Tabele I/1 „Zabranjene tvari i biljke“ i pod rednim brojem 26 Liste psihotropnih tvari iz Tabele I/2 „Zabranjene tvari i biljke“ proglašena takvom, kao i digitalnu vagu „Tesla“ roze boje sa pripadajućom kutijom modela „KS101P“, serijskog broja: ..., sportski ruksak i u njemu jedna bijela platnena torba- cecker u kojem se nalaze dva para ženskih čarapa oznake „...“ i „...“, pvc zip omot, jedna rolna pvc vrećica, dva skalpela žute boje, jedan par pvc rukavica i pvc rolna plave boje, a koji predmeti se koriste prilikom prometa opojnim drogama, koja opojna droga i predmeti koji se dovode u vezu sa prometom opojnim drogama su pronađeni i

izuzeti iz pmv marke „...“ reg oznaka ... prilikom pretresa na osnovu Naredbe Općinskog suda u Zenici broj ... od 24.01.2025. godine i opojna droga izuzeta prilikom provođenja radnje uviđaja, a o oduzetoj opojnoj drogi i predmetima koji se dovode sa prometom opojnim sredstvima je izdata potvrda o privremenom oduzimanju predmeta,

dakle, neovlašteno radi prodaje držao opojnu drogu,

2. dana 23.01.2025. godine, oko 18,30 sati, na području grada Zenica, radi prodaje i isporuke opojne droge putem telefona sa licem Đ. S. dogovorio mjesto i način isporuke, pa u skladu sa prethodnim dogovorom predaju droge dogovorio u ulici ..., Zenica, gdje koristi iznajmljeni stan vlasnika D. A., pa u skladu sa prethodnim dogovorom osumnjičeni I. S. je izašao iz zgrade noseći u torbi opojnu drogu i druge predmete potrebne za pakovanje u pvc folije kao i materija koja se koristi za povećanje količine opojne droge a potom je sjeo u svoje pmv marke „...“ reg oznaka ..., dok je lice Đ. S. sjeo u pmv marke „...“ reg oznaka ... te se vozilima udaljili u pravcu benzinske pumpe „...“, da bi se potom zaustavili u blizini auto centra „...“ na magistralnom putu M17, kada im je policijska patrola MUP ZDK Zenica prišla u pokušaju kontrole navedenih vozila i osumnjičenom I. S. izdali jasnu, glasnu i nedvosmislenu naredbu da ugasi vozilo i izađe iz istog po kojim nije postupio, a potom u namjeri da spriječi policijske službenike MUP-a ZDK u obavljanju poslova službene radnje kontrole lica i vozila, svoje vozilo stavlja u pogon velikom brzinom i prednjim dijelom vozila udara u zadnji desni bočni dio službenog policijskog vozila pmv. marke „...“ i nastavlja kretanje vozilom velikom brzinom kojim je upravljao u pravcu mjesta Gračanica, grad Zenica, za kojim se ovlaštena lica MUP-a ZDK sa službenim vozilom „Golf“ upućuju u službenu potjeru, da bi osumnjičeni I. S. na dijelu kolovoza na skretanju za mjesto Gračanica ostvario kontakt sa pmv marke „...“ reg. oznaka ..., kojim je upravljao N. M., koje se kretalo iz suprotnog smjera, a zatim vozilo kojim je upravljao sletio sa kolovoza u kanal, nakon čega je izašao iz svog vozila i dao se u bjekstvo, da bi ga potom ovlaštena službena lica MUP-a ZDK ubrzo sustigli i lišili slobode,

dakle, upotrebom sile spriječio službenu osobu u vršenju službene radnje koju je poduzela u okviru svojih ovlasti,

čime bi pod tačkom 1. počinio krivično djelo Neovlaštena proizvodnja i stavljanje u promet opojnih droga iz člana 238. stav 1. KZ F BiH u sticaju sa krivičnim djelom pod tačkom 2. Sprečavanje službene osobe u vršenju službene radnje iz člana 358. stav 1. KZ F BiH, a sve u vezi sa članom 54. KZ F BiH.

Radi toga, donosim

### **PRIJEDLOG dokaza koje treba izvesti**

**6. Da se na osnovu člana 78. stav 1. u vezi sa članom 238. stav 4. KZ F BiH, osumnjičenom S. I. izrekne mjera sigurnosti oduzimanje predmeta i to:**

- 571,708 grama opojne droge amfetamin, 1469,599 grama opojne droge amfetamin, 270,668 grama opojne droge amfetamin i 309,541 grama opojne droge Cannabis – Hašiš koje količine opojnih droga su preostale nakon izvršenog uzorkovanja radi vještačenja od ukupno

privremeno oduzete opojne droge od osumnjičenog te deponovane u MUP-u ZDK, Sektoru kriminalističke policije, kao i predmete:

- 6 bijelih kutija sa natpisom „Caffeine“
- jedna staklena boca sa natpisom „etanol“,
- 5 komada PVC rukavica,
- 4 komada PVC vrećica sa ostacima bijele praškaste materije i više papirnih ubrusa sa tragovima bijele praškaste materije,
- 1 staklena boca,
- mašina za vakumiranje PVC vrećica modela „SP 079“, bijele boje,
- digitalna vaga „Tesla“ roze boje sa pripadajućom kutijom modela „KS101P“, serijskog broja: 1601242952,
- jedna rolna PVC vrećica,
- dva skalpela žute boje,
- jedan par PVC rukavica,
- PVC rolna plave boje koji predmeti su deponovani MUP-u ZDK, Sektoru kriminalističke policije.